

44. *Copia de uno capitolo in lettere di l' orator nostro in Franza, di 21 novembro 1504, in Paris.*

La christianissima regina intrò heri in questa terra; fu molto honorata; se vide popolo senza numero; smontò a la chiesa cathedral, dove fu recepta dal reverendo domino episcopo et clero. Sua maestà fu acompagnata da doi reverendissimi cardinali, de li fu poi acompagnata al palazzo publico, dove gli era preparato, hebbe a la cena circha persone 300.

45. *A dì 8, fo il zorno di la conception di Nostra Dona, domenega.* Non fo consejo. Sier Anzolo Trivixam fè l' intra' capetanio di Padoa. Fo assa' patricij ad acompagnarlo; fo gràn spexa et bellissimo pasto et festa; et fo stimato el spendesse da ducati...

È da saper, eri fo menato di Mestre, per i cai di X retenuto, uno Baldisera Zustignan, per aver straparlato; et par che 'l di di San Nicolò, poi consejo, uno zudio andasse dal principe ad acusar, che questo havia straparlato etc. Or, butato sabato il colegio, tochè a sier Alvise Michiel, consier, sier Francesco Foscari, el cavalier, cao di X, sier Lucha Trun, avogador, sier Zacharia Dolfim, inquisitor, et lo colegio etc. Questo za 6 mexi fo etiam retenuto per straparlar di nove, e fo lassato.

*A dì 9.* Da matina, reduto in colegio la 4.<sup>ta</sup>, coram principe fo menato, per sier Marco Antonio Loredan, l' avogador, sier Francesco Bolani, quondam sier Julio, era signor al dazio dil vin, per aver fato contrabando di 4 botte di vin e batù li ufficiali, et ave 2 di no; el qual la matina si presentò. *Item*, di una ballota non fo preso di retenir sier Bertuzzi Valier, di sier Maximo, etiam signor al ditto officio, pur per contrabando fato, ch' è contra le leze etc.

Si ave, la nave Simitecola, veniva di Cypro carga di formenti, era di botte 400, sora Curzolla, videlicet a punta di Corno, si rompete; et questa fo svalzà prima da certa barza forestiera de....., che havea conduto qui formenti di Sicilia.

Da poi disnar fo consejo di X, con zonta di colegio, et fo expedito Baldisera Zustignan, videlicet confinà in vita in castel San Piero di Verona, con una paga, acciò el viva, con taia lire 500 si 'l si parte etc. La qual condanason la matina fo publichà a Rialto.

*A dì 10.* Da poi disnar fo pregadi, importantissimo, nescio quid, tutti fo sacramentadi. Parlò sier

Pollo Pixani, el cavalier, savio dil conseio, sier Francesco Foscari, el cavalier, cao di X, et sier Domengo Pixani, el cavalier; steten fin horre 4 di note, et 0 se intese etc.

*Di Ferrara, dil vicedomino.* Come el ducha era varito per certo ogio lineo datoli per uno medico bolognese, venuto, etc.

*Di Damasco, di sier Bortolo Contarini, consolo, di 2 octubrio.* Avisa di le cosse di Sophis, per relation del casandar del caraman, che era stato a visitar esso consolo nostro, che ditto Sophi era 14 in 15 zornate lontan di Alepo, contra Alvam, signor de Mendin et Ameto, el qual era fuzito et non lo havea aspectato. *Item*, che dicto Sophi havea auto Bagade et tutti quelli paexi et prosperava assai, fazendose molto avanti. Questo medemo se intende per via di Alepo.

*Di Germania, di sier Francesco Capello, el cavalier, orator nostro, date in Yspurch, a dì 27 novembro.* Come a di 25 era intrato monsignor de Gimel, governador de Parma, orator dil re di Franza, con cavali 18, tra i qual do erano coperti de veludo negro, che portò in don al re di romani, con cani sei livreri et brachi sei. *Item*, una balestra coperta de restagno d' oro, ligata sopra la sella de uno di duo cavalli predicti, qualli veniano conducti a mano. Ditto orator era vestito, el di di la audientia datali, de veludo paonazo, fodrata di zebelini, con el bavaro largo fin a terra, et al collo una cadena d' oro grossissima; et el re se lassò trovar im piedi, tra molti duchi et principi, vestito a la longa, di veludo negro, fodrato de lovi, et la cadena de diamanti al collo. Data l' audientia publica montò a cavallo, con i predicti signori, et andò ad Alla, a certa caxa ordinata, et starà alcuni zorni etc. *Item*, scrive di coloquij abuti col re, et 0 li disse etc.

*A dì 11.* Da poi disnar fo conseio di X con zonta.

*A dì 12.* Da matina sier Pollo Trivixan, el cavalier, venuto capetanio di Padoa, stato 3 zorni a venir, perchè per le aque il suo burchio non poteva venir, fo a la Signoria, referi juxta il consueto.

È da saper, le aque di la Brenta è stà grandissime, adeo à negà tutto el piova'; et li savij sora le aque fono a la Signoria per far provision, videlicet sier Lunardo Mozenigo, sier Zorzi Emo et sier Alvise Malipiero, fato di novo, con quel Papafava, deputato su la Brenta; conclusive, per la Brenta nuova el piova' si aniega.

Da poi disnar fo collegio.

*A dì 13, fo Santa Lucia.* Vene a la Signoria,